



Број: 16-03-02-3-4269- _____ /22
Источно Сарајево, 10.10.2022. године

На основу члана 23. Закона о министарствима и другим органима управе Босне и Херцеговине („Службени гласник БиХ“, бр. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 и 83/17) и члана 7. Одлуке о годишњем планирању рада и начину праћења и извјештавања о раду у институцијама Босне и Херцеговине („Службени гласник БиХ“, број 94/14), Државна агенција за истраге и заштиту доноси

**PROGRAM RADA
DRŽAVNE AGENCIJE ZA ISTRAGE I ZAŠTITU ZA 2023. GODINU**

Istočno Sarajevo, oktobar 2022. godine

I – UVOD

Prijedlog Programa rada Državne agencije za istrage i zaštitu (u daljem tekstu: Agencija) za 2023. godinu urađen je u skladu sa Odlukom o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) i Uputstvom o načinu pripreme godišnjeg programa rada i izvještaja o radu u institucijama Bosne i Hercegovine („Službeni glasnik BiH“, br. 45/15, 64/18 i 7/19) i predstavlja operacionalizaciju Srednjoročnog plana Agencije za period 2023-2025. godine.

Prioriteti rada Agencije u 2023. godini definirani su, prije svega, zakonskim propisima koji se odnose na nadležnosti Agencije, Srednjoročnim planom rada Agencije 2023-2025. godine i obavezama koje proističu iz Akcionog plana Vijeća ministara Bosne i Hercegovine za provođenje Reformske agende.

Prioritet rada Agencija bit će borba protiv terorizma, svih vidova organiziranog kriminala, korupcije i teškog finansijskog kriminala, što je naznačeno i strateškim dokumentima Agencije i jedna je od glavnih obaveza iz Reformske agende. U vezi s tim, Kriminalističko-istražni odjel i odsjeci u regionalnim uredima po ovoj liniji rada intenzivirat će aktivnosti na otvorenim predmetima i predmetima koji će biti otvoreni u 2023. godini, a koji se odnose na ove vrste kriminala.

Kontinuirano će se pratiti i istraživati aktivnosti pojedinca, skupina, organizacija i institucija koje se bave podsticanjem, finansiranjem, planiranjem, ili na drugi način pomaganjem terorizma. Pratiće se i istraživati finansijski tokovi i transakcije putem kojih se pruža materijalna i druga potpora terorističkim organizacijama, posebno će se istraživati aktivnosti pojedinih preduzeća, humanitarnih organizacija, udruženja i drugih pravnih subjekata za koje postoji sumnja da se mogu dovesti u vezu s finansiranjem terorističkih aktivnosti. Nastaviće se aktivnosti na predmetima koji se odnose na pojedince i organizacije koji ispoljavaju bilo kakav vid ekstremizma i radikalizma. Poduzimaće se preventivne i represivne mjere u cilju sprečavanja nasilnog radikalizma, ekstremizma i terorizma. Preventivne aktivnosti Agencije su usmjerene prema licima koja su najviše izložena riziku (mlađa populacija), odnosno licima koja se već nalaze u nekoj početnoj fazi radikalizacije, kako bi se spriječila dalja radikalizacija i eventualno regrutovanje od strane terorističkih organizacija ili lica koja su već imala određene kontakte sa tim organizacijama. Represivne mjere Agencije su usmjerene u pravcu identifikovanja lica koja organizuju i planiraju, odnosno lica koja učestvuju ili su učestvovala u izvršenju djela nasilnog radikalizma i ekstremizma ili terorizma, prikupljanju dokaza i njihovog krivičnog gonjenja za počinjena krivična djela, a sve u cilju otklanjanja društvene opasnosti i stvaranja sigurnosnog ambijenta za život građana BiH. Nastaviće se aktivnosti na predmetima koji se odnose na problematiku ilegalne trgovine oružjem, vojnom opremom i proizvodima dvojne namjene, s težištem na predmete koji se mogu koristiti u terorističke svrhe. Posebno će se raditi na unapređenju saradnje i razmjene informacija sa regionalnim i međunarodnim partnerima u borbi protiv terorizma kao i unapređenju razmijene informacija i koordinacije i saradnje sa nadležnim tijelima u BiH. Nastaviće se sa implementacijom usvojenih strateških dokumenata, odnosno Strategije za borbu protiv terorizma i Akcionih planova za provedbu Strategije.

Radiće se na implementaciji Strategije za borbu protiv organizovanog kriminala i Akcionih planova, Strategije u oblasti migracija i azila i Akcionog plana, Strategije suprostavljanja trgovini ljudima u Bosni i Hercegovini i Akcionog plana i Državne strategije nadzora nad opojnim drogama, sprečavanja i suzbijanja zloupotrebe opojnih droga u BiH za period 2018. – 2023. godine. Nastaviće se sa unapređenjem međunarodne saradnje u borbi protiv svih oblika organizovanog kriminala uz intenziviranje učešća u međunarodnim organizacijama, inicijativama, radnim grupama i tijelima, te omogućavanje vođenja zajedničkih istraga i formiranja zajedničkih istražnih timova. Jaćaće se tehnički i kadrovski kapaciteti Agencije u oblasti Cyber sigurnosti, te edukaciju kadrova u cilju osposobljenosti odgovoru sigurnosnim izazovima vezano za kriminalne aktivnosti koje se odvijaju posredstvom Interneta. Radiće se na omogućavanju pristupa pojedinim bazama podataka službenicima Agencije, što bi doprinijelo efikasnijem operativnom radu. U svjetlu aktiviranja Balkanske migrantske rute, radiće se na zajedničkoj borbi protiv organizovanih kriminalnih grupa i pojedinaca koji učestvuju u krijumčarenju ljudi, što će zahtjevati dodatna materijalno-tehnička sredstva, kao i kadrovsko pojačanje navedene linija rada u Kriminalističko-istražnom odjeljenju i u regionalnim uredima. Po ovom pitanju postupaće se u skladu sa Akcionim planom hitnih mjera, koje se trebaju preduzeti, sa fokusom na nezakonite migrante i propusnost granice prvenstveno sa istočnim susjedima Bosne i Hercegovine, a koji je usvojen na 142. Sjednici Vijeća ministara Bosne i Hercegovine.

Planira se i nastavak implementacije usvojenih strateških dokumenata odnosno Strategije za borbu protiv korupcije BiH i Akcionog plana za sprovođenje Strategija za borbu protiv korupcije BiH. Intenziviraće se rad na okončanju već pokrenutih kriminalističkih obrada iz prethodnog perioda koje će zbog svoje obimnosti prenijeti u narednu godinu.

Predviđeno je organizaciono i kadrovsko jačanje osnovnih organizacionih jedinica čija je nadležnost borba protiv ovih vrsta kriminala, osnivanje posebne osnovne organizacione jedinice za borbu protiv terorizma i u sklopu Kriminalističko-istražnog odjela unutrašnje organizacione jedinice za provođenje integriranih finansijskih istraga.

Prioriteti u kriminalističko - obavještajnom radu biće:

- procjena prikupljenih podataka i informacija, produblјivanje istih, njihovo kompletiranje, selektiranje, analitička obrada i unos u odgovarajuće baze;
- sačinјavanje obavještajnih produkata s posebnim akcentom na operativne analize i profile meta po svim linijama rada uz povećanje kvaliteta sačinjenih produkata;
- vršenje nadzora nad prikupljanjem obavještajnih podataka, stručna koordinacija korištenja, kompletiranja i dizajniranja obavještajnih podataka i informacija, sačinјavanje planova rada po konkretnim predmetima, te vršenje procjene vjerovatnoće u postojanju određenog krivičnog djela na osnovu sačinjenog obavještajnog produkta i šeme uz prijedlog smjernica za dalji tok djelovanja po pitanju rasvjetljavanja određenog krivičnog djela;
- aktivnosti na unapređenju postojećeg sistema upravljanja kriminalističko-obavještajnim podacima kroz jasno definiran sistem kriterija za dostupnost i diseminaciju podataka (uvođenje 5x5x5 modela uz ispunjenje tehničkih pretpostavki i izrade nove baze kriminalističko-obavještajnih podataka).

Jedan od prioriteta u 2023. godini bit će i rad na predmetima koji se odnose na krivična djela pranja novca i finansiranja terorističkih aktivnosti. Nastaviće se rad na već otvorenim predmetima u Finansijsko obavještajnom odjeljenju (istražnim i obavještajno-analitičkim) i aktivnosti vezane za obuku obveznika iz člana 4. Zakona o sprečavanju pranja novca i finansiranja terorističkih aktivnosti, radiće se na povezivanje na baze podataka drugih institucija putem AMLS aplikativnog softvera i realizaciji aktivnosti iz Akcionog plana koji je nastao kao rezultat Procjene rizika od pranja novca i finansiranja terorističkih aktivnosti u Bosni i Hercegovini, nastaviće se sa predstavljanjem Bosne i Hercegovine u Moneyval komitetu Vijeća Evrope i drugim međunarodnim tijelima i uzeće se učešće u izradi novog Zakona o sprečavanju pranja novca i finansiranja terorističkih aktivnosti i pratećih podzakonskih akata.

Rad na predmetima koji se odnose na krivična djela ratnog zločina i krivična djela kažnjiva po međunarodnom humanitarnom pravu predstavlja stalnu aktivnost Agencije. U 2023. godini nastaviće se implementacija Državne strategije za rad na predmetima ratnih zločina i Revidirane državna strategije za rad na predmetima ratnih zločina iz 2020. godine, intenziviraće se rad i poboljšati dinamika rada na već otvorenim predmetima i postupaće se po svim zahtjevima i naredbama Suda BiH i Tužilaštva BiH koji se odnose na nove otvorene predmete. S ciljem poboljšanja efikasnosti rada, nastaviće se kontinuirana EDS obuka- „Sistem elektronskog pristupa dokazima MKSJ“ istražitelja iz ove oblasti rada.

Provođenje programa zaštite svjedoka, zaštita i pružanje podrške svjedocima pod prijetnjom i ugroženim svjedocima koji svjedoče u postupcima pred Sudom BiH i u 2023. godini bit će jedan od prioriteta rada Agencije. U skladu sa zakonskim i podzakonskim aktima, kao i drugim propisima Bosne i Hercegovine i međunarodnim propisima, preduzimaće se i sprovođiti mjere zaštite lica koja su uključena u program zaštite svjedoka, kao i lica koja imaju status zaštićenog svjedoka kako u postupcima koji se vode pred Sudom BiH, tako i u predmetima koji se vode pred sudovima drugih zemalja. Radiće se na iznalaženju dugoročnijeg rješenja pitanja smještaja Odjeljenja za zaštitu svjedoka. Nastaviće se aktivnosti na izradi normativnih akata u skladu sa odredbama Zakona o Programu zaštite svjedoka u Bosni i Hercegovini.

Sektor za operativnu podršku će, provođenjem posebnih istražnih radnji iz svoje nadležnosti i pružanjem podrške u provođenju onih posebnih istražnih radnji koje su u nadležnosti ostalih organizacionih jedinica, pružiti podršku kvalitetnijem vođenju istraga i prikupljanju informacija i dokaza o izvršenju krivičnih djela. S tim ciljem, provodit će aktivnosti i Odsjek za protivdiverzionu, protiveksplozivnu i tehničku zaštitu i Grupa za kriminalističku tehniku i poligrafsko vještačenje. Radiće se na poboljšanju uslova za rad istražitelja za posebne operacije donošenjem Pravilnika u vezi izrade dokumenata sa izmjenjenim identitetom koji su neophodni za provođenje posebnih istražnih radnji i na njihovom dislociranju van sjedišta Agencije u sigurnu kuću. Vršiće se organizacija, nadzor i kontrola rada sa informantima na nivou Agencije praćenjem utroška novčanih sredstava za registrirane informante, te provoditi aktivnosti u vezi deaktiviranja ili angažiranja novih

informanata i praćenja stanja rada sa angažiranim informantima. Potrebno je uspostaviti kvalitetne prakse koje će doprinjeti potpunom poštivanju odluka Ustavnog suda BiH, koje se odnose na postupanje prilikom provođenja posebnih istražnih radnji.

Zakonitost rada Agencije također predstavlja jedan od prioriteta i u 2023. godini. S ciljem poboljšanja zakonitosti u radu Agencije provodiće se interni postupci na osnovu zaprimljenih zahtjeva i žalbi građana na rad policijskih službenika Agencije za provodjenje istih, vršiće se ocjena zakonitosti upotrebe sredstava prinude od strane policijskih službenika Agencije, vršiće se redovne, vanredne i kontrolne inspekcije, radiće se na otkrivanju neusklađenosti internih propisa sa zakonima i drugim propisima i predlagati njihovo usklađivanje, vršiće se bezbjednosne provjere na osnovu zahtjeva institucija BiH i pratiti primjena Zakona o zaštiti tajnih podataka i Zakona o zaštiti ličnih podataka od strane zaposlenih u Agenciji i provoditi mjere unutrašnjeg nadzora.

Saradnja sa Tužilaštvom Bosne i Hercegovine i Sudom Bosne i Hercegovine, tužilaštvima i sudovima nižih nivoa vlasti, policijskim tijelima na svim nivoima vlasti u Bosni i Hercegovini i ostalim partnerima u skladu sa zakonskim nadležnostima, također je jedna od prioritetnih aktivnosti, bez čijeg unapređenja nema uspješne borbe protiv kriminala. Posebna pažnja će se posvetiti međunarodnoj saradnji sa policijama zemalja regiona i ostalih zemalja u smislu razmjene informacija i vođenja zajedničkih aktivnosti u okviru sprečavanja i istraživanju krivičnih djela koja imaju međunarodnu dimenziju i saradnji koja se odvija u okviru EGMONT grupe između Finansijsko-obavještajnog odjeljenja i stranih finansijsko-obavještajnih jedinica.

Planirano je kadrovsko jačanje Agencije upošljavanjem 10 policijskih službenika u činu mlađi inspektor, pet policijskih službenika u činu policajac, te tri državna službenika i pet zaposlenika. Stručno usavršavanje svih uposlenih, a posebno policijskih službenika je jedan od stalnih prioriteta kojem će se i u 2023. poklanjati posebna pažnja.

S ciljem obezbjeđivanja finansijske i materijalne podrške provođenju aktivnosti iz programa rada Agencije pristupiće se izradi strateških programa i projekata, godišnjih planova rada, planova nabavki roba, usluga i kapitalnih ulaganja za 2023. godinu u skladu sa odobrenim budžetom za 2023. godinu i u skladu sa zakonskim rokovima, izradi neophodnih izvještaja za 2022. godinu i 2023. godinu, izradi dokumenta okvirnog budžeta za period 2024.-2026. godine, te izradi zahtjeva za budžet za 2024. godinu, dinamičkih planova finansiranja i namjenske strukture kapitalnih ulaganja, realizacija nabavki iz usvojenih planova nabavki u skladu sa zakonom koji pored ostalog obuhvataju, kao najznačajniji projekat, proceduru izbora izvođača radova za izgradnju Baze za smještaj i obuku Jedinice za specijalnu podršku Agencije i rješavanje trajnog smještaja regionalnih ureda u Tuzli i Banja Luci, popisu imovine i obaveza u skladu sa zakonskim rokovima, aktivnostima po zahtjevu Kancelarije za reviziju poslovanja institucija Bosne i Hercegovine i Jedinice za internu reviziju, koje obuhvataju i provođenje preporuka iz njihovih izvještaja.

Svi pokazatelji predstavljeni za pojedine aktivnosti u Akcionom planu godišnjeg programa rada Agencije za 2023. godinu u direktnoj su zavisnosti od zakonski regulirane saradnje sa Tužilaštvom Bosne i Hercegovine i Sudom Bosne i Hercegovine, budući da u skladu sa Zakonom o krivičnom postupku Bosne i Hercegovine („Službeni glasnik BiH“, br. 3/03, 32/03, 36/03, 26/04, 63/04, 13/05, 48/05, 46/06, 76/06, 29/07, 32/07, 53/07, 76/07, 15/08, 48/08, 16/09, 93/09, 72/13 i 65/18) tužilac provodi istragu i izdaje naredbe za postupanje svim organima koji učestvuju u istrazi, svi organi koji učestvuju u istrazi su dužni da obavijeste tužioca o svakoj preduzetoj radnji u istrazi i da postupe po svakom njegovom zahtjevu.

Mogući problemi i rizici prilikom provođenja Programa rada Agencije u 2023. godini su:

1. ograničenja u popunjavanju radnih mjesta državnih službenika (finansijska ograničenja, ograničenje broja zaposlenih);
2. nedostatak finansijskih sredstava i stručnih kadrova za razvijanje vlastitih baza podataka;
3. ekonomska kriza i rast cijene energenata;
4. eventualno neusvajanje budžeta, što bi onemogućilo predviđene kapitalne investicije.

II - AKCIONI PLAN GODIŠNJEG PROGRAMA RADA DRŽAVNE AGENCIJE ZA ISTRAŽE I ZAŠTITU ZA 2023. GODINU													
Opći cilj/principi razvoja: V UPRAVLJANJE U FUNKCIJI RASTA													
Strateški cilj: 14. UBRZATI PROCES TRANZICIJE I IZGRADNJE KAPACITETA													
Srednjoročni cilj: 14.1. UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI													
Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH													
Programi, projekti i aktivnosti	Nosilac aktivnosti (organizaciona jedinica)	Pokazatelji				Troškovi	Izvori finansiranja					Planirani kvartal za provođenje	
		Pokazatelj rezultata ili uticaja	Jedinica mjerenja(% broj ili opisno)	Polazna vrijednost(n)	Ciljana vrijednost (n+1)	Procijenjeni troškovi	Budžet	Krediti	Donacije	Ostali izvori	Ukupno		Program u DOB-u
1	2	3	4	5	6	7	8	9	10	11	12	13	14
Program 14.1.3. Prikupljanje obavještenja i podataka, sprečavanje, otkrivanje i istrage krivičnih djela i zaštita svjedoka iz nadležnosti Suda BiH													
Projekat 1.1.1. Istrage krivičnih djela iz nadležnosti Suda BiH po naredbama tužilaštva BiH													
Aktivnost 1.1.1.1. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela terorizma i nedozvoljene trgovine ABHO	Kriminalističko-istražni odjel, regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	1.600.000	1.600.000	0	0	0	1.600.000		2023.
Aktivnost 1.1.1.2. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela organiziranog kriminala, kriminala u vezi sa trgovinom ljudima, opojnim drogama i ostalim krivičnim djelima	Kriminalističko-istražni odjel, regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	7.400.000	7.400.000	0	0	0	7.400.000		2023.
Aktivnost 1.1.1.3. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela finansijskog kriminala i korupcije	Kriminalističko-istražni odjel, regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	3.200.000	3.200.000	0	0	0	3.200.000		2023.
Aktivnost 1.1.1.4. Provođenje integriranih finansijskih istraga	Finansijsko-obavještajni odjel, Kriminalističko-istražni odjel, regionalni uredi Banja Luka, Mostar, Sarajevo i Tuzla	Procenat otvorenih finansijskih istraga u odnosu na broj pokrenutih	%	100	100	150.000	150.000	0	0	0	150.000		2023.

Aktivnost 1.1.1.5. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela pranja novca i finansiranja terorističkih aktivnosti	Finansijsko-obavještajni odjel	Stepen izvršenih naredbi i zahtjeva Suda BiH i Tužilaštva BiH	%	100	100	900.000	900.000	0	0	0	900.000	2023.
Aktivnost 1.1.1.6. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela ratnih zločina i krivičnih djela kažnjivih po međunarodnom humanitarnom pravu	Sektor za istraživanje ratnih zločina i krivičnih djela kažnjivih po međunarodnom humanitarnom pravu i regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	4.300.000	4.300.000	0	0	0	4.300.000	2023.
Aktivnost 1.1.1.7. Operativno angažiranje Jedinice za specijalnu podršku po naredbama direktora SIPA-e	Jedinica za specijalnu podršku	Stepen izvršenih naredbi direktora za operativno angažiranje	%	100	100	6.000.000	6.000.000	0	0	0	6.000.000	2023.
Aktivnost 1.1.1.8. Saradnja i razmjena informacija u krivičnim istragama sa policijskim tijelima i ostalim partnerima u zemlji i inostranstvu	Kriminalističko-istražni odjel, regionalni uredi Banja Luka, Mostar, Sarajevo i Tuzla, Finansijsko-obavještajni odjel, Sektor za planiranje, analitiku, saradnju i informiranje	Stepen ostvarene saradnje u odnosu na broj zaprimljenih zahtjeva za saradnju	%	100	100	1.200.000	1.200.000	0	0	0	1.200.000	2023.
Projekat 1.1.2. IBIH-SIPA-2												
Aktivnost 1.1.2.1. Izgradnja objekta za smještaj i obuku Jedinice za specijalnu podršku		Stepen završetka projekta	%			0	0	0	0	0	0	
Projekat 1.1.3. Prikupljanje i analitička obrada obavještenja i podataka o krivičnim djelima												
Aktivnost 1.1.3.1. Povećati broj i kvalitet prikupljenih informacija i obavještajnih podataka	Kriminalističko-istražni odjel, Finansijsko-obavještajni odjel, Sektor za istraživanje ratnih zločina i krivičnih djela kažnjivih po međunarodnom humanitarnom pravu, regionalni uredi Banja Luka, Mostar, Sarajevo i Tuzla	Broj sačinjenih KOI 4x4	Broj	2687	2900	2.500.000	2.500.000	0	0	0	2.500.000	2023.

Aktivnost 1.1.3.2. Povećati broj i kvalitet produkata analitičkog rada	Kriminalističko-istražni odjel, Finansijsko-obavještajni odjel, Sektor za istraživanje ratnih zločina i krivičnih djela kažnjivih po međunarodnom humanitarnom pravu, regionalni uredi Banja Luka, Mostar, Sarajevo i Tuzla	Ukupan broj produkata analitičkog rada	Broj	678	600	3.000.000	3.000.000	0	0	0	3.000.000	2023.
Projekat 1.1.4. Provođenje posebnih istražnih radnji u otkrivanju najtežih oblika krivičnih djela iz nadležnosti Suda BiH												
Aktivnost 1.1.4.1. Provođenje posebne istražne radnje "Nadzor i tehničko snimanje telekomunikacija" po naredbama Suda BiH	Sektor za operativnu podršku i regionalni uredi Banja Luka, Mostar, Sarajevo i Tuzla	Stepen izvršenih naredbi Suda BiH za provođenje posebne istražne radnje	%	100	100	1.350.000	1.350.000	0	0	0	1.350.000	2023.
Aktivnost 1.1.4.2. Provođenje posebne istražne radnje "Nadzor i tehničko snimanje prostorija" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	1.700.000	1.700.000	0	0	0	1.700.000	2023.
Aktivnost 1.1.4.3. Provođenje posebne istražne radnje "Tajno praćenje i tehničko snimanje osoba, transportnih sredstava i predmeta koji stoje u vezi sa njima" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	1.700.000	1.700.000	0	0	0	1.700.000	2023.
Aktivnost 1.1.4.4. Provođenje posebnih istražnih radnji "Simulirani i kontrolirani otkup i simulirano davanje potkupnine" i "Korištenje prikrivenih istražitelja i korištenje informatora" po naredbama Suda BiH	Kriminalističko-istražni odjel i regionalni uredi Banja Luka, Mostar, Sarajevo i Tuzla	Stepen izvršenih naredbi Suda BiH za provođenje posebne istražne radnje	%	100	100	350.000	350.000	0	0	0	350.000	2023.
Aktivnost 1.1.4.5. Provođenje posebne istražne radnje "Nadzirani prevoz i isporuka predmeta KD" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	350.000	350.000	0	0	0	350.000	2023.

Projekat 1.1.5. Utvrđivanje zakonitosti u postupanju policijskih službenika SIPA-e i postupanje na zahtjev institucija BiH												
Aktivnost 1.1.5.1. Provesti unutrašnje istrage na osnovu zahtjeva i žalbi građana	Odjel za unutrašnju kontrolu	Procenat provedenih unutrašnjih istraga u odnosu na broj pokrenutih	%	100	100	150.000	150.000	0	0	0	150.000	2023.
Aktivnost 1.1.5.2. Utvrditi zakonitost primjene sredstava prinude od strane policijskih službenika	Odjel za unutrašnju kontrolu	Procenat provedenih istraga u odnosu na broj zahtjeva za utvrđivanje opravdanosti primjene sredstava prinude	%	100	100	150.000	150.000	0	0	0	150.000	2023.
Aktivnost 1.1.5.3. Izvršiti sigurnosne provjere po zahtjevima institucija	Odjel za unutrašnju kontrolu	Procenat izvršenih provjera u odnosu na broj zahtjeva	%	100	100	450.000	450.000	0	0	0	450.000	2023.
Aktivnost 1.1.5.4. Vršiti interni nadzor nad primjenom zakona i podzakonskih akata u radu Agencije	Odjel za unutrašnju kontrolu i Sektor za planiranje, analitiku, saradnju i informiranje	Broj izvršenih unutrašnjih inspeksijskih nadzora	Broj	38	30	300.000	300.000	0	0	0	300.000	2023.
Projekat 1.1.6.. Zaštita svjedoka												
Aktivnost 1.1.6.1. Provesti programe zaštite svjedoka drugih država ili međunarodnih institucija	Odjel za zaštitu svjedoka	Procenat provedenih programa zaštite svjedoka u odnosu na broj zamolnica drugih država ili međunarodnih institucija	%	100	100	450.000	450.000	0	0	0	450.000	2023.
Aktivnost 1.1.6.2. Provesti programe zaštite svjedoka drugih država ili međunarodnih institucija	Odjel za zaštitu svjedoka	Procenat provedenih programa zaštite svjedoka u odnosu na broj zamolnica drugih država ili međunarodnih institucija	%	100	100	450.000	450.000	0	0	0	450.000	2023.

Aktivnost 1.1.6.3. Postupiti po naredbama Suda BiH i Tužilaštva BiH za provođenje mjera zaštite zaštićenim svjedocima koji svjedoče pred Sudom BiH	Odjel za zaštitu svjedoka	Procenat provedenih mjera zaštite u odnosu na broj naredbi za provođenje mjera zaštite svjedoka	%	100	100	565.000	565.000	0	0	0	565.000		2023.
---	---------------------------	---	---	-----	-----	---------	---------	---	---	---	---------	--	-------

III - ZBIRNI PREGLED ZAKONA PLANIRANIH GODIŠNIM PROGRAMOM DRŽAVNE AGENCIJE ZA ISTRAGE I ZAŠTITU ZA 2023. GODINU					
Opći cilj/principi razvoja: V UPRAVLJANJE U FUNKCIJI RASTA					
Strateški cilj: 14. UBRZATI PROCES TRANZICIJE I IZGRADNJE KAPACITETA					
Srednjoročni cilj: 14.1. UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI					
Naziv zakona	Razlozi za donošenje zakona	Usklađivanje sa pravim nasljedem EU (DA/NE)	Prethodna procjena uticaja propisa (DA)	Sveobuhvatna procjena uticaja propisa (DA/NE)	Planirani kvartal za provođenje
1	2	3	4	5	6
Program 1.1. prikupljanje obavještenja i podataka, sprečavanje, otkrivanje i istrage krivičnih djela i zaštita svjedoka iz nadležnosti Suda BiH					
Projekat 1.1.5. Utvrđivanje zakonitosti u postupanju policijskih službenika SIPA-e i postupanje na zahtjev institucija BiH					
Aktivnost 1.1.5.1 Zakon o Državnoj agenciji za istrage i zaštitu	Usklađivanje aktuelne organizacione strukture Državne agencije za istrage i zaštitu sa praktičnim potrebama	NE	DA	NE	I

IV - ZBIRNI PREGLED PODZAKONSKIH AKATA PLANIRANIH GODIŠNIM PROGRAMOM RADA DRŽAVNE AGENCIJE ZA ISTRAGE I ZAŠTITU ZA 2023. GODINU					
Opći cilj/principi razvoja: V UPRAVLJANJE U FUNKCIJI RASTA					
Strateški cilj: 14. UBRZATI PROCES TRANZICIJE I IZGRADNJE KAPACITETA					
Srednjoročni cilj: 14.1. UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI					
Naziv podzakonskog akta	Razlozi za donošenje podzakonskog akta	Usklađivanje sa pravim nasljedem EU (DA/NE)	Prethodna procjena uticaja propisa (DA)	Sveobuhvatna procjena uticaja propisa (DA/NE)	Planirani kvartal za provođenje aktivnosti
1	2	3	4	5	6
Program 1.1. Prikupljanje obavještenja i podataka, sprečavanje, otkrivanje i istrage krivičnih djela i zaštita svjedoka iz nadležnosti Suda BiH					
Projekat 1.1.5. Utvrđivanje zakonitosti u postupanju policijskih službenika SIPA-e i postupanje na zahtjev institucija BiH					
Aktivnost 1.1.5.1 Pravilnik o unutrašnjoj organizaciji Državne agencije za istrage i zaštitu	Usklađivanje pravilnika sa potrebama Državne agencije za istrage i zaštitu i jačanje određenih organizacionih jedinica u skladu sa aktuelnim sigurnosnim izazovima	NE	DA	NE	II

V - ZBIRNI PREGLED MEĐUNARODNIH UGOVORA PLANIRANIH GODIŠNJI PROGRAMOM RADA DRŽAVNE AGENCIJE ZA ISTRAŽE I ZAŠTITU ZA 2023. GODINU					
Opći cilj/principi razvoja: V UPRAVLJANJE U FUNKCIJI RASTA					
Strateški cilj: 14. UBRZATI PROCES TRANZICIJE I IZGRADNJE KAPACITETA					
Srednjoročni cilj: 14.1. UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI					
Naziv međunarodnog ugovora	Razlozi za zaključivanje međunarodnog ugovora	Usklađivanje sa pravnim nasljeđem EU (DA/NE)	Prethodna procjena uticaja propisa (DA)	Sveobuhvatna procjena uticaja propisa (DA/NE)	Planirani kvartal za provođenje aktivnosti
1	2	3	4	5	6
-					
-					
-					

VI - ZBIRNI PREGLED JAVNIH INVESTICIJA PLANIRANIH GODIŠNJI PROGRAMOM RADA DRŽAVNE AGENCIJE ZA ISTRAŽE I ZAŠTITU ZA 2023. GODINU		
Opći cilj/principi razvoja: V UPRAVLJANJE U FUNKCIJI RASTA		
Strateški cilj: 14. UBRZATI PROCES TRANZICIJE I IZGRADNJE KAPACITETA		
Srednjoročni cilj: 14.1. UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI		
Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH		
Naziv projekta javnih investicija	Osnovni ciljevi, aktivnosti i komponente projekta	Planirani period realizacije
1	2	3
Program 1.1. Prikupljanje obavještenja i podataka, sprečavanje, otkrivanje i istrage krivičnih djela i zaštita svjedoka iz nadležnosti Suda BiH		
Projekat 1.1.2. IBIH-SIPA-2		
Aktivnost 1.1.2.1. Izgradnja objekta za smještaj i obuku Jedinice za specijalnu podršku	Trajni smještaj i obuka Jedinice za specijalnu podršku	Kraj 2024.

VII – IZVJEŠTAJ O PROVEDENIM KONSULTACIJAMA PRILIKOM IZRADE PROGRAMA RADA

U skladu sa Odlukom o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) i Uputstvom o načinu pripreme godišnjeg programa rada i izvještaja o radu u institucijama Bosne i Hercegovine („Službeni glasnik BiH“, broj 45/15), Agencija je prednacrt Programa rada za 2023. godinu postavila za konsultacije na portalu „eKonsultacije“, u trajanju od 14 dana. Nije bilo prijedloga i komentara zainteresirane javnosti. U finansijskom dijelu nacrt Programa rada je urađen u skladu sa budžetskim zahtjevom za 2023. godinu i iznosi 38.215.000,00 KM.

**DIREKTOR
GLAVNI GENERALNI INSPEKTOR POLICIJE**

Darko Ćulum